

QVÆSTIO MEDICA.

QVOD LIBETARIIS DISPUTATIONIBVS MANE AGITANDA IN SCHOLIS MEDICORVM, DIE XI. MENSIS FEBRVARII, MAGISTRO GVILLELMO BELET, DOCTORE MEDICO, MODERATORE.

610

An furor amatorius melancholicus affectus?

CVNCTIS humoribus tum alimentarijs tum excrementitijs proprium locum natura concessit, qui si neque nimij sint, neque vitiosi, corporis temperiem & integritatem conseruant vnâque (alimentarij præcipue) cum spiritalibus & solidis partibus hominem *πολυμερῶς τῶν στοιχείων compositionem*. Quod si peccent, situmque naturalem non seruent, actiones lædunt affectusque contra naturam inducunt quamplurimos; quos ab humore excitato vel alterato denominare licet: puta hydropem omnem, sero maligno habitu corporis vel abdomine concluso; icterum vtrumque, effusa in summam cutem vtrâque bile, cerebro male affecto & infecto humore vapore melancholico *μελαγχολικὸν πάθος*, quo omnes animæ functiones perturbantur, facultates labefactantur, mens ipsa percellitur, vnde peruersa rerum existimatio, metus inanis, mœstitia, anxietas, sollicitudo, quæ si à diuino amore proficiscitur, per sæpe in furorem abit, qui ideo amatorius dicitur & habetur.

MORVM naturalium generatio ab alimentis euchymis, eupeptis, eucratis, ventriculo bene temperato, hepate sano dependet: Eorum qui contra naturam, sex rerum non naturalium prauus usus, vel abusus, scaturigo; pathemata, turbidi motus animi, non solum *παθὲματα τῶν ὁρμῶν*, sed & humorum temperiem & corporis vniuersi constitutionem perueriunt; ut morborum sint causæ non leues, præ cæteris, tum menti, tum corpori, grauem inurit notam amor, anxia illa iuuenum cupiditas amantiam videndi, colloquendi, eaque poriundi efferata libido; facultatis concupiscentis quæ in iecore residet fœda perturbatio, ex pulchri bonique percepta specie prognata: ignis est, nec ille cæcus, quo corpus vniuersum conflagrat, vnde varij emergunt affectus, febrium genus omne, *ἀσθμία*, palpitatio, epilepsia. Amor quippe hominis animum exaltat & conficit ut qui eius stimulis agitur amans *ἀνὴρ* sit: huius omnino belluini sunt motus, cæci impetus, sane quandoque belluæ naturam induit & lycanthropos euadit.

HMANÆ vitæ summa felicitas *μετεωρίζεται*, eam si non prorogat, saltem quamdiu humor primigenius calorque natius vigent, conseruat; humorum contra naturam congeriem prohibet: Curas tolle graues, ita fici crede prophanum. Caue diurnurn & pertinacem amorem furoris genuinam causam: an etiam melancholiæ? quidni? sane iidem reapse affectus sunt, verbo duntaxat dispares, *μεταγχεῖσθαι* futere est, eadem vtriusque causa, eaque bilis atra, quæ præcipue calens & squalens, qui amore vruntur; virgines plenis nobiles annis, menstruo suppresso sanguine, illoque putredine & vredine bilis atræ naturam subeunte, cæptis immanibus efferat, melancholiæ & furore agitantur; eadem denique symptomata, vigilæ iuges, pulsus rarus, quandoque tamen inæqualis, vitæ tædium, pædores, percussiones capitis, capillorum euulsiones, vultuosa facies saturato rubore perfusa, mox pallescente aut liuescente colore, desiderium solitudinis, *Μυρταὺς ἀμάντες ὅβι λυκὸς ὀπάει ἀμάντες*.

LABOR sic amor omnia vincit improbus; est mollis flamma medullas, quas, seu verum ossium nutrimentum, prius consumendo, horum dein substantiam sicciorē reddit, corporis calorem dissoluit; luuenum amantium quorum in temperie sanguis præpollet, halituosum humidum depascitur; puerorum languidiorem calorem acciorem efficit, sensum ad adulationem præparat; biliosorum is calor qui ab huius affectus perturbatione oritur, naturalem suffocat, at melancholicos in furias agit. Quin etiam cum diu hæret lateri lethalis arundo cupidinis, cor impetit; quo læstuan spiritus atque totum corpus tenebris inuoluit; imo ad præcipuam mentis arcem virus immittens, mentem offundit, perturbat, spem, desperationem, metum, gaudium, mœrorem, furorem, rixas commouet, & pleraque præstat absurda, pro vario spirituum vaporumque aerium & calidiorum affluxu motuque, diuersorum obiectorum perceptione, præteritorum recordatione, non alijs humoris peccantis symptomata prodit apertius quam melancholici: metus siquidem & mœstitia, non bilis, non pituitæ, non sanguinis, at melancholici succi qui in vitio sit, pathognomonica signa, perditæ amantes, nec ex voto amoris fructum carpentes perpetuo comitantur.

ATRI & sero naturæ nostræ infensissimo abundantis humoris vapores ex infernis partibus perenniter in cerebrum sensus exors, diffusus per propriam substantiam principes facultates continens, feruntur, huiusque meninges exquisitè sentientes adeo acriter vellicant, ut hinc non tantum desipientiæ, cum ferocitate pessimæ, oriuntur; sed etiam varia conuulsionum genera prodeant, quæ non tantum facultatum animalium abolitionem, sed & interitum minentur, frustra tunc subitam, ut in morbis à bile & sanguine crissum, nec ut ortis à pituitâ abscessum ad emunctoria salutarem expectes: huius quippe humoris vberior copia repentinæ natui caloris extinctionis, deuicta natura, periculum adfert. Incassum melanagoga humorem ad excretionem sollicitantia imperabis, nisi causis antecedenti & coniunctæ præuideris: illam cibi potusque inopia, hanc cœtus virorum coartancorum, animum exercitijs, phantasia colloquijs, & musicis distrahentium sedant: feminarum consortia, nisi vetularum amantissimæ vicia distinctè enumerantium, vix coacceserim. Citius, tutius, & iucundius rei amatæ fruitione (dum fas & iura sinunt) furoris exacerbatio sistitur, symptomata leniuntur, pristinus naturæ status restituitur.

Ergo furor amatorius melancholicus affectus.

Asserebat Lutetiæ CYPRIANVS HVBAVLT Parisinus. Anno R. S. H. M. DC. XXI.

DOMINI DOCTORES DISPUTATVRI.

M. Iacobus Cousinot.
M. Petrus de Beauvains.
M. Ioannes Texier.



M. Robertus Tuloue M. R.
M. Michail Bommer.
M. Antonius le Ras.



M. Gabriel Biard.
M. Ioannes Degorris M. R.
M. Renatus Chartier M. & Prof. Reg.

